

戊 /
4

中國歷代醫學史畧



中國歷代醫學史略

謝利恒題



南京中醫藥大學圖書館版權所有

中華民國二十二年九月初版

版權所有
翻印必究

國醫標準
教本之一

中國歷代醫學史略

全書一冊定價大洋六角

編纂者

武進張贊臣

參校者

武進張仲勳
武進劉仰榮
江都蕭篋
花縣陳澤祺
南匯楊俊才
上海黃精偉

審定者

上海醫界春秋社

發行者

中國醫藥書局

上海白克路西祥

康里第七十七號

印刷者

中國醫藥書局印刷部

南京中醫藥大學圖書館版權所有

武進張贊臣先生最新編著之

咽喉病新鏡

出版

咽喉爲病。危險最甚。若不細察。則其變傾刻。禍不旋踵。吾人於每年冬春間。因患喉症而致於非命者。不知凡幾。蓋皆因未病時。不知預防。與攝生之法。醫者又乏良善專本。以資探討。本局有鑒於斯。特懇張贊臣先生編著『咽喉病新鏡』一書。以之付梓。而惠醫者與病家。內容分生理、總論、各論、預防法、治療法、以及表解、吹藥、敷藥、驗方、與列方等。全書一百三十餘面。洋裝一冊。並由張錫純、時逸人、王慎軒、沈仲圭、蔣文芳等題序詞。方公溥許、半龍、二氏題簽。尤覺可貴。此書編輯精嚴。洵屬醫家臨床之祕笈。民衆家庭之顧問。書印無多。購請從速。

價目 定價大洋五角 特售大洋四角

郵費一角一分

總發行所 上海白克路寶隆醫院西面西祥康里第七十七號

中國醫藥書局

醫山傳集

黃錦瑞書



宋序

唐慎坊講

醫界春醴月刊主編張贊臣先生脩輯中國歷代醫學史略既竣。來書問序於余。余謂醫史沿革就其最著而成一時代者言之。約計之則爲六。一曰『啓元時代』。二曰『大成時代』。三曰『守成時代』。四曰『學派時代』。五曰『新學時代』。六曰『混亂時代』。昔炎帝教民稼穡以療民饑。嘗百草以療民病。神農本草經所以爲藥物學之始也。黃帝戰勝蚩尤。垂裳而治天下。命岐伯作內經。傳有素問九卷。靈樞九卷。所以爲生理學。病理學。氣化學之始也。此時謂之『啓元時代』。至周秦而長桑扁鵲。陽慶倉公輩。遂以醫鳴於世。醫之得以卓然成家者。亦自此始。後漢張仲景氏出。握長沙大令。政治之餘。痛當時醫者多以赤丸治傷寒。民多夭枉。遂著傷寒卒病論。以發明六氣運變。六經證治。并金匱雜病論。是爲醫學。

法宗彙集生理學、病理學、氣化學、診斷學、治療學、方劑學而並有之。此時謂之『大成時代』。至隋唐以還，王冰、滑伯仁之註釋內經，王叔和成無己之闡解傷寒，諸先哲者雖各有慧心而行文設辭處處依據經文不敢稍有隕越。此時謂之『守成時代』。至宋元而劉河間、李東垣、朱丹溪、張子和輩相承繼起，各具實學，各有發明，各有專長，而各有著作，所謂『四家之說』遂起。後學紛訟之端而於經學轉有時明時晦之局。此時謂之『學派時代』。至明清之季，如方中行之傷寒前條辯喻嘉言之傷寒尙論程郊倩之傷寒後條辨章虛谷之醫門捧喝等，皆注重傷寒之學，良以傷寒爲醫學全部精彩集中之點。歷代醫家之成名者無不於仲景傷寒論痛下工夫。然此數子者均有革命思想，非如守成時代之不敢越出經文。然其所謂革命思想者，於仲景之學仍是推宗備至，惟以仲景傷寒論原文

散佚故非存其闕疑。闡其未明。不足以繼此絕學。而傷寒溫熱之論。應此時。翕然風起。至葉天士之著溫熱論。陳平伯之風溫證治。薛生白之溼溫證治。吳鞠通之溫病條辨。王孟英之溫熱經緯。雷少逸之時病論。柳穀孫之溫熱逢源等。著書行世。溫熱治法。頗具眉目。與傷寒論對勘。可得也。餘如王勳臣之醫林改錯。唐容川之中西醫纂。醫學革命。至此益著。此時謂之『新學時代』。自清政日夷。洋奴派欲推翻中國一切文化。而盡以歐化代之。醫學不幸。墮此漩渦。余巖輩曾欲假借政治勢力。以廢置中醫者。爲獻媚異族。而中醫之爲保古派者。每以四千年來之歷史。爲赫赫金章。中醫之爲趨新派者。於自家之學。多所懷疑。或曰五行可廢也。或曰伏氣無徵也。悚惶不寧。自申討伐。於是不曰傷寒而亦曰流行性感。冒。不曰溫熱而亦曰腸窒扶斯。添列性別。診斷等新標題。而卽曰科學化。新彩異。

樣雜亂紛陳。故醫至現代。可名之曰『混亂時代』。然此爲新舊潮流。應有之激蕩焉。

論曰。儒之有孔子。醫之有仲景。此天之生聖人也。實萬世師宗。而莫之與京也。故孔子之道不衰。則半部論語足以治天下。仲景之學長存。則傷寒金匱足以治民病。後世百家諸子爲先聖闡揚輔翼。可耳。醫之命脈始於炎黃。而集大成於仲景。至劉、李、朱、張。所謂四大家者。爲學派之有支脈也。四千年來之命脈。依然鐘靈於仲景之學。傷寒一書於醫學興替最有關係。溯自王叔和於五胡十六國兵燹之餘。搜集仲景原文。釐訂成篇。使仲景之學。初尙晦黯於叔和之前者。今迺昌明於叔和之後。則叔和述聖之功。不可湮沒。微叔和。則仲景之書。亦將如伊尹湯液之無傳矣。至方喻諸家起而傷寒論並爲學者聚精會神之處。喻氏文筆縱橫。天姿獨放。雖於

叔和持論有過激之辭而傷寒溫熱之論確有超越前人註釋傷寒論而上之則喻氏亦足爲仲景門下能言之賢者也夫仲景之傷寒論所以明六氣之運變六經之證治顧寒熱補瀉無不圓機活潑大瀉咸備然論中如桂枝證麻黃證柴胡證白虎證承氣證此數者而外均屬壞證逆證及傳經入臟之裏證也聖人立瀉每於大者遠者著筆授之以規矩繩墨而後之方圓曲直形態千變則又各盡其受者之巧矣內經曰熱病者皆傷寒之類焉則傷寒雖曰溫病熱病之廣義名辭然而證之爲風溫爲暑溫爲濕溫爲秋燥爲冬溫爲時行疫癘爲伏氣晚發其初起也各有局勢其治瀉也各有宜忌而論中之桂枝湯麻黃湯均非其治也此非仲景之未備蓋六氣之運變旣明六經之證治旣詳則後學之隨時制宜不難於傷寒論中推衍無窮能治民病能創新學真是仲景功臣仲景聖也固無物

不容也。若以拘執大論爲推宗。仲景獨創心得。另標一格者。卽曰違反。仲景此不爲仲景所許。而實非通達之士。迂儒誤國。罪亦相等矣。天士鞠通深以傷寒溫熱糾纏不清。直捷了當。立言立法。以暢釋嘉言。未竟之旨者。所以承仲景之學也。四方之士。羣起論述。所以廣葉吳之法也。六淫之病。俱有專載。俱有心法。而六氣運變。六經證治。所謂規矩繩墨。實未嘗背乎仲景。故仲景之學。雖歷萬世而光耀長如日月也。醫之聚訟。繇來已久。然讀書不廣。不足言學。臨證不廣。不足以知前人立言之得失。余今不爲學派所惑。而持平論之。醫學史。乘自仲景而後。苟能去瑕取瑜。蔚爲大觀。繇啓元而集大成。繇學派而成新學。中古守成尤爲承先啓後之中。運相磨相蕩。固無代不在演進之中。卽成一家言。而能大行其道者。亦非百年或數百年不爲功夫。合以千餘家之學力而得若斯之收穫。國醫傳至今日。

受輿情贊助。民間信仰者。良非偶然也。致西國醫學。細胞。血輪。內分泌。等學說。似較吾國爲詳細。然以吾國文學簡古。而諸說內經亦已備述。則西學引爲備注。固絕妙借鑑。若欲廢置中醫。事實等於纂竊。而中醫或爲頑固。或爲迷新。則亦等於自暴自棄。中醫前途。將從此入於混亂時代。而亦隨今日之潮流。以浮沈耶。雖然。贊臣先生。秉春穰之筆。作史家之傳。醫學命脈。炳耀千穰。誠足以挽既倒之狂瀾。建中流之砥柱。復興仲景之學。於百世之後。醫學正統。操自吾手。誰得而攘奪之哉。策勵吾精神。整理吾學術。中興之業。會當不遠。余將與贊臣先生。樹大纛於春申江上。謹速全國醫彥。作大同宴也。

癸酉花朝愛人宋 翼謹序於吳門愛吾醫廬

王序

古言六經皆史。約言之。二十四史。無非事也。醫之事。由來舊矣。人之有生。不能無所養。養必有需于物。大自然之晝夜寒熱。以及林林總總之動植品類。無非物也。人亦爲物之一。謂爲萬物之靈者也。故醫藥事業之所由興。以物明物。以物療物而已。救弊濟偏。有一時之功。而無萬全之法。人在天地間。高壽不能至百。小自然之壽命。終不及大自然之永久。以一時代之學理經驗。傳于異代。其遺產之遞嬗。有可因襲者。有宜改造者。大約可因襲者。其哲理。宜改造者。其運用之方法與名詞。今人喜談新學說。新名詞。苟于前賢簡籍。無深入之功。則其所得者。亦僅拾他人之牙慧。膚淺可憐。縱欲翻新。無裨大雅。老子有言。一高以下基。宏由纖起。前人之遺籍。卽前人精神才力之所薈萃。古人不必下愚。今人未必上智。若謂無事于

學術則亦已矣。苟其欲之。則纍纍遺籍。不可不尋出源流與系統。同條共貫。節解支分。以得其精粹之所在。然後曠觀時代。相與會通。則整理創造之道得矣。學說翻新。名詞改造。初非甚難之事。茫茫斯世。苦于趨捷徑者之多。才難之歎。豈其然乎。國勢凌夷。人心墜落。凡百學術。有蟬鳴雀噪之人。無藏器待時之士。奈之何其不窮且亂也。中國今日之醫學。混亂極矣。有中醫。有德醫。有日、美、英、法之醫。其儼然劃爲鴻溝者。曰中醫。曰西醫。黠者標其名曰舊醫新醫。其于學術根本之所自。誤解名詞。各是其所是。而非其所非。既無闊大襟懷。以事吸收。又無久長歲月。以求深造。皆欲沽一時之名。售一時之利。國家之大患。固不待敵人之相加。而已搖搖欲墜矣。以今之道。無改今之俗。危機之逼。日又甚焉。欲救正醫界之學術思想。當從恢復醫學歷史觀念始。醫學史者。前人學理經驗之餘緒。所以爲承受

之本。所以爲創造之資。尤當瞭然于前人之環境。與今人之環境。環境云者。大之在天地之中。小之在人羣之內。雖世界事物之變遷。古異于今。而人之呼吸、飲食、性情、動作。初無以異也。因其異。以尋其不異。安見古人之學說。不可爲今人之學說。古人之經驗。不可爲今人之經驗乎。唯信仰能生力量。唯能信而後能疑。若一味迷新迷舊。等于臧獲亡羊。以言自立。難矣。張君贊臣近有中國歷代醫學史略之輯述。索序于余。余喜能其復醫界歷史觀念。可以推古知今。以進于時代潮流也。其有裨于醫林之自信自立。豈淺鮮乎。

民國二十二年四月王一仁作于杭州

朱序

學術由創新而進化。或守舊而退化。一代有一代之環境。一事有一事之因果。窮源溯委。莫不有痕跡可尋。學者若不明此痕跡。則不獨無以貫繼往開來之責。且將貽數典忘祖之譏。史學卽尋此痕跡之科學。其關係之大。從可知矣。

我國醫學。發明於神農黃帝之秋。於世界爲最古。流傳至今。垂數千年。中間著述。汗牛充棟。關於醫事之沿革。雖各史有方技傳以紀個人之歷略。然零星碎錦。獨少系統。欲於歷代醫家之地位。思想之變遷。疾病之狀況。作剴切詳明之有系統敘述。則令人興鳳毛麟角之感焉。

嘗觀西洋醫史。方其在紀元前千六百餘年埃及希臘時代。唱四元論。實體論。較之吾國上古五運六氣之說。相差不遠。厥後由四元論演進爲液

體病理。血液病理。神本病理。靈魂病理。神經病理。寄生說病理。臟器病理。降至近世。因發明各種病原微生物。而確定細胞病理之學說。其變化愈多。則進步愈速。此自然之理也。

夫我國之醫學。自仲景之後。衰弱於魏晉。中興於李唐。紛歧於宋元。因循於明清。穎異之著作家如孫思邈。王燾。劉完素。張子和。李東垣。朱震亨。下至喻嘉言。柯韻伯。高士宗。張隱菴。徐大椿。陳念祖之流。或因家人多病。或因利祿無緣。乃矢志於醫。無解剖生理爲之基礎。無藥理化學爲之應用。其學說與思想。處處不能脫離內難金匱傷寒之範圍。因此數千年來。無進化之可言。真憾事也。

近者歐風美雨。挾太平洋之潮流。以襲擊於我國。我國政府之教育標準。亦純以洋貨爲依歸。國醫之命脈。不絕如縷。張子贊臣爲國醫運動之健